

宋
詩
拾
遺

拾遺平三卷

旧抄本

錄用陳世隆考者迄斯

世隆為宋睦州功曹坊陳人之說孫行山曰睦州當代傳信屬猶承江明集遠派而
註曰拾遺錄傳者亦陶氏至正間沒於兵焉陳樹校宋訪紀事亦未見生書
於中失收

宋詩拾遺卷一目錄

趙普一首

王仁裕三首

刁衍二首

花質一首

种放五首

陶穀一首

李九齡一首

呂蒙正三首

李虛已三首

賈黃中一首

郭忠恕二首

滕白二首

韓丕二首

錢若水四首

路振一首

曾璉一首

樂史一首

呂誨四首

張齊賢四首

李沆一首

柳開三首

李昉五首

王巖一首

趙叔靈一首

郭禮二首

宋詩拾遺卷一

錢塘陳世隆彥高選輯

趙

晉

字則平，曲州人。為太祖佐命功臣，第一卒封韓王。諡忠獻。

雪中駕幸敝廬恭紀

貞元重數莢，滕六劇霏花。漠漠初濡砌，皚皚欲聚沙。閭閻銀作界，宮闕玉為家。調鼎慙鹽撒，沾溫覺絮加。瑞凝三殿瓦，欣動五雲車。冰柱撐茅屋，瓊枝擁翠華。微行停蹕警，冷漏靜銜譁。具野曾無隄，磻溪豈問牙。公然門駐輦，那信室蟠蜩。積素堪麟畫，飛黃想兔置。一庭看曳練。

十道趣宣麻戎索籌先後雄材辨等差神威殷地軸御
指落天花表賀甘朝穩裴功敢夜夸雪山行獻瑄早晚
到星槎

王仁裕

放猿

猿名
墅賓

放爾丁寔復故林舊來行處好追尋月明巫峽堪慙靜
路隔巴山莫厭深棲宿免勞青嶂夢躋攀應慙白雲心
三秋果熟松梢健任爾高枝微曉吟

經幡冢洞有老猿來迎家人謂此即野賓也再

感賦

蟠冢祠邊漢水濱
山猿聯臂下嶙峋
漸來仔細窺行客
認得依稀似野賓
月宿應勞羈旅夢
松棲那復稻梁身
數聲腸斷和雲叫
識得來年舊主人

高遵聖席上贈彈胡琴女伎

紅粧齊抱紫檀槽
一株朱絃四十條
湘濱淩波斬鼓瑟
秦樓明月罷吹簫
寒敲白玉聲偏婉
暝逼黃鶯語自嬌
丹禁舊臣來側耳
骨清神爽似聞韶

刁

衍

字元寶其先上蔡人父仕南唐賜回京口
遂占籍焉初事李煜入宋官至兵部侍郎

漢武

高宴柏梁詞可仰橫汾簫鼓樂難窮已教丞相開東閣
獨俠將軍候北戎灑淚甘泉還有恨祈年仙館惜成空
誰知辛苦回中道共盡千齡五柞宮

代意

蕙時芳夕九迴腸歛袂東窓待曉光秦嶺樹高迷隴塞
楚天雲淡隔瀟湘病餘公幹情多詠秋晚安仁髻有霜
休道鰲人落珠淚微波還擬託陳王

誠兒姪八百字

昨得謝課書希於京秩之中更與遷轉余以諸兒姪
輩生長以來未諳外事艱難損益懵然莫識因抒古

詩一章曉之

去年初識褐一命到蓬丘

謂謝課

青袍春草色白紵素如

仇適會龍飛慶王澤天下流爾得六品階無乃太為優
凡登進士第四選昇校讎歷官十五考叙階與爾傳如
何志未滿意欲凌雲遊若言品位卑寄書來我求省之
再三歎不覺淚盈眸吾家本寒素門地寡公侯先子有

全德樂道尚優游生逢多多僻委順信沉浮仕宦不喜
達吏隱同莊周積善有餘慶清白為貽謀伊余奉家訓
孜孜務進周風夜事勤肅言行思悔尤出門擇交友防
慎畏薰蕕省躬常懼玷恐擬庭闈羞童年志于學不惰
為箕裘二十中甲科纓尾化為虬第二十三進士及第今舉成教三十
入翰苑步武何瀛洲四十登宰輔韶冠侍冕旒備位行
一紀將何助帝猷既非救旱雨豈是濟川舟天子未遐
棄曰益素餐憂黃河潤九里草木皆宸漬吾宗凡九人
繼踵昇官次門內無白丁森森朱綠紫鵷行洎內職亞

尹州從事府掾監省官高低皆清美悉由僥倖昇不因
資考至朝廷懸爵秩命之曰公器才者祿及身功者賞
於世非才及非功必得專厚利寒衣內府帛饑食太倉
米不蠶復不穡未嘗勤四體雖然一家榮豈塞眾人議
顯顯十目窺覷千人指借問你與吾如何不自愧戒
爾學立身莫若先孝悌怡怡奉親長不敢生驕易戰戰
復兢兢造化必於是戒爾學干祿莫若勤道藝嘗聞諸
格言學而廢則仕不患人不知惟患學不至戒爾遠耻
辱恭則近乎謹自卑而尊人先彼而後己相鼠與茅鷀

宜鑒詩人刺

左傳茅鴟刺不恭也

戒爾勿放曠放曠非端士周孔

垂名教齊梁尚清議南朝稱八達十載械青史戒爾勿

嗜酒狂藥非佳味能移謹厚性化為兇暴類古今傾敗

者歷歷皆可記戒爾勿多言多言者眾忌苟不慎樞機

安危從此始是非毀譽間適足為身累舉世重交遊擬

結金蘭契忿怒容易生風波當時起所以君子心汪汪

淡如水舉世好承奉昂昂增意氣不知承奉者以爾為

玩戲所以古人疾蓬蔕與戚施舉世重任俠呼俗為氣

義為人赴急難往往陷刑死所以馬援書殷勤戒諸子

舉世賤清素奉身好修侈肥馬衣輕裘揚揚過閭里雖
得市童憐還為識者鄙我本羈旅臣遭逢堯舜理位重
才不充戚戚懷憂畏深淵與薄冰蹈之惟恐墜爾曹富
憫我勿使增罪戾閉門歛踪跡縮首避名勢名勢不久
居畢竟何足恃物盛必有衰有隆還有替連成不堅牢
亟走多顛躓灼灼園中花早發還先萎遲遲澗畔松
鬱含晚翠賦命有疾徐青雲難力致寄語謝諸郎躁進
徒為耳

种

放

字名逸洛陽人宋初隱士後
以爲校右司諫累諫議大夫

陰陰林木靜寂寂無人境紅綻紫葳香嵐沉玉骨冷自
雲時獨坐愼事常中省何客馭風來新篁動疎影

酬陳喬民見寄

竹扉常畫掩幽僻置安身自委漁樵分因思出處難周
庭方設燎漢將尚登封一作壇莫問煙霞意人寰事萬端

瀟湘感事

離離江草與江花往事洲邊嘆復嗟漢傳有才終去國
楚臣無罪亦沉沙淒涼野浦寒飛雁牢落汀祠晚聚鴉
無限清忠沉浪底滔滔千頃屬漁家

諭蒙詩

大盈卑百潰自成浮天得崇上下果塊竟為散日深王者在謙小風惟堯禹心拜言尊賢仁慎德業珠金自滿九族散匪驕百善尋炳茲夏禹鑒滅國因夸淫

咏桃

習習香薰薄薄烟杏連梅早不同妍山齋盡日無鶯只與幽人伴醉眠

陶穀字

人官學士

天台石橋

重重翠嶂聳雲端玉殿金樓縹緲間
聖境不容凡俗到故將飛瀑隔塵寰

李九齡

字

人乾德五年進士第三人

贈馬道士

水共逍遙雲共孤混時言笑只佯愚
經年但醉宜城酒千里惟擔華嶽圖
尋野鶴來空碧洞覓琴僧去渡重湖
人間再見知何日乞取先生石轆轤

呂蒙正

行經鴻溝

溝中流水已成塵。溝畔荒涼起暮雲。大抵關河須一統，
可能天地更平分。烟橫綠野山空在，樹倚高原日漸曛。
方凭征鞍思往事，數聲風笛馬前聞。

贈友

昔作儒生謁貢闈，今提相印出黃扉。九重鴛鴦醉中別，
萬里烟霄達了歸。隣叟盡垂新白髮，故人猶著舊麻衣。
洛陽謾說多才子，自嘆遭逢似我稀。

讀書龍門山

八灘風起浪花飛，手托漁竿傍釣磯。自是釣頭香餌別，

此心終待得魚蹄

李虛已

字公受建安人登進士第歷右諫議大夫

次韻和內翰楊大年見寄

鰲冠三峯碧海寬
雲謠初下鵲芝蘭
探珠宮裏驪龍睡
織錦機中彩鳳盤
藥砌蒼苔錢作點
粉墻修竹玉為竿
閒從莊蝶親鳬舄
曾得安期九轉丹

次韻和汝南秀才遊淨土見寄

長松繫馬放吟鞭
水殿沉檀一炷烟
苔破閑階幽鳥立
草芳深院老僧眠
桃花欲放條風後
茶蘼新供谷雨前

衆會賞詩多狎客我無岐路近神仙

寄化城寺

化城金地出人羣瀑布峯前一徑分寶塔香燈諸洞見
石樓鐘磬半天聞子明丹竈封秋蘚李白書堂鏤暮雲
欲去未能還結念展圖時誦北山文

賈黃中

字媧民南皮人六歲舉童子科十五舉進士
歷官至禮部侍郎兼秘書監

桂林還珠洞

赫赫威聲振百蠻音携筐筥涸谿山無人為起文淵問
端的珠還薏苡還

郭忠恕

字恕先

人官宗正

青羊宮

久知玄牝是根原
誰道長生別有門
一自描龍興嘆後
至今師事五千言

送田表聖出知陳州

客裏睽離已不堪
何當玉守正移驂
孔融在漢人應憚
善感鳴唐罪自甘
義重不嫌身死萬
憂深寧忍口緘三
陳州亦是天朝地
好為瘡痍雨露覃

滕

白

字
工部

人太宗時為工部郎中世稱滕

山行

馬頭閒覺入從容，疊嶂清秋度百重。
長見孤雲能作雨，未應片水不藏龍。
花村幾處連脩竹，澗石誰家倚瘦松。
本若無心許明代，好尋巢許此韜蹤。

題汶川村居

種茶巖接紅霞塢，灌稻泉生白石根。
皤腹老翁眉似雪，海棠花下戲兒孫。

韓

丕

字太簡，華州鄭人。太平興國三年進士，累知制誥，歷禮部侍郎。

寄岳陽劉從事

秋來憶故人
寓目臨大野
遠近聞清商
依稀奏幽雅
經霜樹半紅
無風葉自下
一片洞庭心
聊憑塞鴻寫

菊

造化功夫豈異端
自緣開晚少人看
若教總是陶潛眼
肯向芳春賞牡丹

錢若水

字澹成新安人
雍熙中舉進士
累知制誥
歷集賢學士
鄆州觀察使
并代經略使

送楊大年知處州二首

夫子厭承明
還求領郡行
兩章千負宸
數刻對延英
豈獨綵衣樂
兼為畫錦榮
聖朝循吏傳
首得見君名

汗簡成惇史分符別近班
仍聞括蒼郡酷似武夷山
捲箔煙霞麗登樓水石閑
二年棄官去惟我獨何顏

陳義門

又作華林書院

居近東崖對白雲義風深可勸
一作動人倫兒童盡得詩

書力門巷曾無車馬塵樓上落雲粘筆硯池邊恠石問
松筠他年卜好為隣住悔葺吾廬洛水濱

濟源縣裴公亭

裴相亭成未退身空煩舞袖與歌塵
至今亭下蕭蕭竹似對秋風怨主人

路振字子發

人淳化進士

伐棘篇

伐棘何所山之巔秋風騷颼棘子丹折根破抵堅且頑
斲夫趙趙汗汚顏攢鋒束芒趙道還藉之森森繚長藩
暮冬號風雪暗天漏寒不鳴守犬眠主人堂上多金錢
東陵暴客來窺垣舉手觸鋒身隕顛千茅萬戟爭後先
襟袖結裂不可揜蹠破指傷流血殷神離氣沮走踟蹰
數尺之墻弗復攀索頭醜奴搔河壩朔方也師連七年
木波馬領沙填填氣脉不絕如喉咽官軍虎怒思吼軒

強弩一發山河穿將不叶謀空即安
既養小醜成虎顛
推胃挽果徒喧喧邊臣無心靜國艱
為余賦此伐棘篇

曾璉

鴻講和呂聖功韻

王霸興亡劫幾塵鴻講依舊鎖寒雲
不將帝業追三代
祇把河山割半分故壘已隨流水盡
歸鵲空帶夕陽曛
西風立馬頻回首那忍猿聲隔岸聞

樂

史
復登甲科判西京留司御史臺
字子正崇仁人南唐進士宋太平興國六年

鐘山寺

千峯夾一徑一徑花就泉聽泉復看花行到鍾山前古
寺雲生屋高僧月伴禪自慚留一宿匹馬又朝天

呂誨字獻可開封人進士歷知諫院拜御史中丞

龍峰寺送友

江頭五日艤輕舟欲去遲遲更自留目斷旌旗暮天濶
龍峰峰上倚層樓

答友

冥冥鴻羽在雲天邈阻風音已十年不謂聖朝求治理
尚容遺逸卧林泉美君自有隨時樂願我官閒飽晝眠

笑無成三黜後病衰方始賦歸田

龍峰寺寄范堯夫二首

去年同作南遷客今日更持刺史權
推挽試知民吏意無因談會向尊前

苔草茸茸照綠波暮春歸客興如何
滄浪應有清潭處但見漁人鼓枻歌

張齊賢

得裴晉公午橋莊

午橋今得晉公廬水竹烟花興有餘
師亮白頭心已足

四登兩府九尚書

胡氏華林書堂

一百年來烟燹同衣冠江左慕家風兒孫歌舞詩書內
鄉黨優游禮讓中孝弟筠編爭紀錄門閭天語賜褒崇
莫將六闕方朱氏葉葉燕嘗奉始終

石將軍南征賦贈

五花密布生門出三令重宣宿將聽劃地豈能容賊窟
指天不許見妖星醪投溪水期分飲石削巴丘待勒銘
洗盡甲兵安草木君山依舊望中青

銘座右

慎言渾不畏，忍事又何妨。
國法須遵守，人非莫舉揚。
無

李

沆

字太初，肥鄉人。太平興國五年進士，歷官參知政事，門下侍郎、尚書右僕射、諡文靖。

乞去題六和塔

此非武林之六和塔

經從塔下幾春秋，每恨無因到上頭。
今日始知高處險，不如歸去卧林丘。

柳開

諷虞嬪詩

惟堯則天舜弗復誕妃罔極思亭育過密無間血盈目
南巡胡為淚染竹父輕夫重當何淑沅湘岸筠烟葦覆
凝紋疊班殷郁郁猿緣鼉號鉤輅肅朋朋漢助惋殷幾哭
賸疑下尤禹湮瀆功充民戴荷百祿重暉並曜難停轂
元居不寧逝如逐悲啼負冤生莫卜卒顛沉瀾遠昌族
謳訟聲松歸永福柔陰慘剋咎深速前睇九山排矗矗
到今雲顏愁可掬

磐石

古寺聳山椒公堂去不遙尋僧忘俗慮盤道出塵囂踈

箔捲煙霧明時望
沃瀟漁翁江上立
指我在雲霄

楚南偉觀樓

沈盡蠻烟几
紫空登臨直見楚生雄
坐當鴻鵠高飛處
身在乾坤灝氣中
木落有情瞻北闕
霜輕無夢入西風
凭欄自是蓬瀛客
獨到瀟湘興未窮

李昉

題岱宗無字碑

臣石來從十八盤
離宮複道滿千山
不因封禪窮民力
漢祖何緣便入關

禁林春直

疎簾搖曳日輝輝直閣深嚴半掩扉一院有花春晝永
八方無事詔書稀樹頭百轉鶯鶯滑梁上新來燕燕飛
豈合此身居此地妨賢尸祿自知非

仙客

又名飛客鶴也公所蓄五禽
名五客此五客中之一也

胎化仙禽性本殊何人攜爾到京都因加美號為仙客
稱向閒庭伴野夫警露秋聲雲外遠翹沙晴影月中孤
青田萬里終歸去暫處鷄羣莫歎吁

贈正憲公端

憶昔僦居明德坊官資俱是校書郎青山共直昭文館
白首同登政事堂佐國廟謨公已展避賢榮路我猶妨
主恩至重何時報老眼相看淚兩行

桐柏觀

子晉棲霞境高高出世埃直疑天上去歸認下雲來銀
漢星辰近金庭洞府開遲明欲回首更上降真臺

王巖字

人宋初隱居荀川

殘冬客次資陽江

淡雲殘雪簇江天策蹇遲回客興闌持鉢老僧來吮水

倚船商女待撥灘沙翹白鷺非真靜竹映繁梅奈苦寒
阮籍莫嗟岐路異舊山溪畔有漁竿

趙叔靈 疑是清獻之祖三衛人

贈張處士

應問秋雲學得閒飄然如不在人間青藤篴裏詩多怪
紫栗枝邊藥更殷一作癡江客對碁留暗鵲野僧分屐借

登山仍聞昨日來城市又抱孤琴踏月還

郭禮 字茂嘉

王徵君松陰獨坐圖

盤石走新蘿飛流下層巘抱琴如有期心與孤雲遠鳥
來天際微林光澹將晚受此松氣清坐嘯不知返

訪徐道人

為覓扁舟問隱淪白雲何處是通津
瑤華滿地君堪拾始信青山不負人

宋詩拾遺卷二目錄

畢士安 二首

郭崇仁 一首

舒雅 二首

鮑當 七首

郭賁 一首

郭震 三首

賈昌朝 三首

郭昭乾 三首

錢惟演 三首

穆修 五首

傅霖 一首

趙湘 九首

郭昭度 二首

馬存 三首

劉昭禹 一首

蘇紳 一首

潘閻 一首

蔣堂 九首

李堪 一首

李宗諤 三首

劉東 一首

郭印 一首

石象之 一首

王益 四首

楊

朴

二首

陳

越

一首

陳

亞

三首

宋詩拾遺卷二

錢塘陳世隆彥高選輯

畢士安

楊承議蘆雁枕屏

畫師不肯傳風蝶故作枯乾逞奇絕
清秋未合結繁陰深戶何從灑飛雪
雪裏鳴兒若耐寒眠沙枕浦白雲團
黃蘆槭槭枝葉乾江頭鳴鴈恰飛起
恍如身到瀟湘間瀟湘洞庭雲水隔
山路坡陀斷行客從來冬景畫已難
況有翎毛似崔白已覺水湯稻梁少
更疑水宿溪垠窄

生平有道付滄洲今日牀頭動行色
屏風主人家近遠我昔曾過潯陽縣
田墟野雁嘗親見出門解榻定相逢
惜我家鄉今對面

國清寺

三四百年寺今來國又清若非逢聖
柞徒自有嘉名月殿五峯色風松十
里聲不緣君命來便好脫塵纓

郭崇仁 字永年彰德軍節度使

聞高陽路警報

上郡連烽火河陽更羽書
兵戈連歲擾老病一身餘
警

哨無安枕憂危有報疏
名山猶未卜何處好間居

舒

雅

字子正

人歷職方員外郎知舒州東封

加主客郎中改直昭文館轉刑部

荅內翰學士

清貴無過近侍臣
多情猶憶舊交親
金蓮燭下裁詩句
麟角峯前寄隱淪
和氣忽飄燕谷暖
好風隨起謝庭春
緘藏便是山家寶
留與兒孫世不貧

隆按楊文公錢思公劉子儀諸君皆有寄靈仙館
舒職方學士之作此殆真荅詩也

荅錢少卿

蓬萊閣下舊鄰居
偶別俄驚四載餘
每見寒葭思倚玉
忽臨秋水得雙魚
人間貴盛誰能及
物外優閒我自如
聞說歸艎向春渚
深知不與道情疎

荅劉學士

往歲別京畿
樓山與眾違
君心似松柏
雁足寄珠璣
學道情雖篤
燒丹力尚微
雲中鷄犬在
祇候主人歸

鮑

當

字

外郎有清風集一卷
人真宗朝登進士第歷職方員

孤雁

天寒一作寒多稻梁少
萬里孤難進
不惜充君庖
為帶邊城

一作
信

按司馬公詩話絕當為河南府法曹忤知府薛映
因賦孤雁詩薛大稱賞遂號鮑孤雁

寄西河栖公

兩信海潮喧曉夕百年事過無遺迹
舊住招提有幾人
春風苔長湖邊石

宿棲霞觀

一宵會清境不悟世間憂
天共白雲曉水和明月流
碧烟生藻井紅日映花樓
顧我無道氣拂衣難少留

送入南歸

淒淒楊柳暮時復一蟬聲
滄海不可極風帆難計程
微烟生晚浦斜日上孤城
欲寄相思札誰傳萬里情

松江夜泊

舟閑人已息林際月微明
一片清江水中涵萬古情

酬阮逸詩卷

木有毫端水有源漸成盤錯始潺湲
右丞畫筆多平淡
平淺應知近自然

題和靖隱居

湖水春來綠山雲夏亦繁如何隱君子長嘯掩柴門

郭

賁

字文爵

人咸平元年進士授太常博士

登太山

雙屐衝烟上泰臺欲將老眼傍天開
春深疊嶂晴看雪雨後飛泉夜聽雷
玉節攢蒼烟浩渺羣山裂翠壁崔嵬
目前齊魯何須問千古登封只草萊

郭

震

字希聲成都人自稱汾陽山人
淳化四年詣闕上書有漁舟集一卷

漁者

江柳弄風顰翠黛山花著雨濕胭脂却收短棹拈長笛

一葉舟中仰面吹

老卒

老來弓劍喜離身說著沙場便愴神
仕使將軍全得勝歸來須少去時人

雲

聚散虛空去復還野人閑處倚筇看
不知身是無根物蔽月遮星作萬端

賈昌朝

字子明獲鹿人天禧初君試賜同進士出身
官至樞密院使封許國公進魏國卒謚文元

咏凌霄花

波雲似有凌霄志向日寧無捧日心
珍重青松好依托
直從平地起千尋

曲水園

畫船載酒及芳晨丞相園林潯水濱
虎節麟符拋不得
却將清景付閒人

紫城魏受禪臺

服股自右稱文王幾見將膺把紂亡
誰謂老姦亟基事
禪臺空立在繁昌

郭昭乾

字汝端布衣始遷臨安

述懷二首

冀領久淪沒矯矯誰能群憶昔讓王者高風殊可聞我
懷在寥廓歷勒滄浪勲何時凌紫躋脩然絕塵氛
皇皇長安都赫赫金張第車馬競奔趨窮達在片議猗
麗世所欣崇萬物恒忌何如若逸民蓬門卧幽閤

移家

大道夷且長捷徑自窘步借問漫遊人胡為局紆路我
馬亦既秣風雲豈馳驚遷喬非所期舍筏聊自渡世途
良足吁更駕循軌度

錢惟演

贈淨明菴僧長吉

漢苑辭千楝仙丘訪五芝
汲餅春溜滿卷械曉雲滋
望刺青龍起觀濤白馬馳
紅樓曾應制佳句詠朝綏

護國寺

峻極壓滄溟清居聚百靈
重門深閤邃絕澗遠沈冥
客問無生法人遊不死庭
何當謝簪組鳥道駕飛輶

雲門山

精舍依巖巘香林結薜蘿
崇臺含夕靄危架駕春波
淨

飯伊蒲寡真詮貝葉多幾時輝盡錦松下駐鳴珂

穆修

江南春

杜若溪邊待釣船
怨紅傷翠助鸝鶯
戰回春色青蒲劍
買破韶光綠荇錢
千嶂遠圍芳草國
一江晴浸落霞天
未知多感多愁客
何處偷尋甕底眠

燈

黯黯有時當永恨
依依何處照閒眠
靜臨客枕愁寒雨
遠出漁篷耿暝烟
纖影乍敲還自立
冷花時結不成圓

銷魂猶憶江樓夜曾對離觴賦短篇

和毛秀才江墅幽居好

江墅幽居好溪山數里長徑通茶塢綠門帶橘園香藉
石還勝榻聽松不讓篁閒遊驚里巷自作隱淪裝

貴侯園

名園雖自屬侯家任客閒遊到日斜富貴位高無暇出
主人空看折來花

玉津園

君王未到玉津遊萬樹紅芳相倚愁金鎖不開春寂寂

落花飛出粉牆頭

傳 霖 爵里未詳與張詠相倡和

贈張乖崖

忍把浮名賣却開門前流水對青山
青山不語人無事
門外風光任往還

趙

湘 字巨源華州人進士甲科歷官判宗正寺進
右諫議大夫集賢院學士

春夕偶作

一夕衙門獨自開雨陰深巷少塵埃
酒醒風傍

動一作池

邊起坐久月從花上來何處夜歌初欲斷
四鄰春夢未

知回因思此興無人共時復孤吟步綠苔

答徐本

天遠草離離秋霖寄信遲相思逢葉盡獨坐聽蟬悲
嶽色寒前見松心雪後知頻招猶未至時復檢清辭

寄楊損

開門苔自長春恨極天涯落日山橫水空城雨過花斷
狂二字中有誤曾避蝶多病更無蛙江上無消息風吹渡柳

斜

別耶溪諸叔

又散耶溪會斜陽在古原出門逢落葉去路有啼猿短
髮不堪照新詩誰共論如何為遠別風雪宿孤村

秋夜集李式西齋

澤國秋光澹詩家夜會清雨餘逢月色風靜得琴聲小
徑幽蟲絕寒階落葉并嘗茶不擬睡自起繞池行

贈水墨巖山人

講餘題小筆深院竹修修試墨應磨碣思山忽寫秋靜
曾窮鶴趣高亦近詩流更擬緣清思和雲狀沃州

國清寺

物外十年寺人間四絕名兩廊諸嶽色九里亂松聲海
氣標僧院秋鐘徹縣城夜來疎磬斷月影過樓清

天台思右

遊人行盡天台路仙家杳杳知何處惟有山前一派溪
落花依舊留春暮

石梁

白日巖峯峭橫橋一徑微多年無客到向晚有雲歸水
碧苔生髮天寒樹著衣如何方廣寺千古去人稀

郭昭度

字汝則比部郎中

左掖即事

遲日下金殿香雲藹玉爐
苑花迷晚蝶宮樹集寒鳥

春日奉和馬景山

春來無事不芳辰
尊酒留連動涉旬
三徑每從羊仲賞
諸侯誰念馬卿貧
藏名祇許漁樵識
混跡從教鹿豕親
老去心情常在楚
摩娑雙眼看垂綸

馬

存

字子才鄱陽人寓居楚州
從徐節孝遊卒業於其門

村老

肉死皮乾垂鬢絲
尋暄扶杖向東籬
文王沒後無人問

直到而今大半飢

長淮謠為徐先生詠

長淮之水如春苔行人但覺心眼開
湘江豈無水魚腹忠魂埋但見愁雲結
雨猿聲哀浙江豈無水鷓鴣草胥漂骸
但見潮頭怒氣如山來孤臣詞客到江上
何以寬心懷長淮之水遶楚流先生家住
淮上頭黃金萬斛浴明月碧玉一片含清
秋酒花入面歌一曲一作聲淮上百物

無閒愁

劉昭禹

蒼嶺

盡日行方半，諸山直下看。
白雲隨步起，危徑極天盤。
瀑頂橋形小，溪邊店影寒。
往來空太息，元髮改非難。

蘇紳

金山寺

九派分流湧化城，登臨潛覺骨毛清。
僧依玉鑑光中住，人踏金鰲背上行。
鍾阜雲開春雨霽，海門雷吼夜潮生。
因思絕頂高秋夜，四面雲濤浸月明。

潘閔

太平城南結廬

微軀終赦謝天恩容養疎慵世未聞
昔日已為閒助教今朝又作散叅軍
高吟瘦馬衝殘雪遠看孤鴻入斷雲
到任也應無別事願將清俸置香焚

蔣堂

字希魯宜興人大中祥符進士歷官江淮發運使禮部侍郎致仕

太伯廟

太伯何為者不以身為身邈避天下位
奔走勾吳濱隱德照來世遺祀傳斯民
吁此廉讓國合生廉讓民

題山亭

山亭深處枕清溪萬木回環盡翠微
梅萼破香知臘近柳梢含綠認春歸
風前列嶂琴三疊雪後羣山玉四圍
願我此來盤礴久塵勞瀟灑頓忘機

梔子花 六歲時父命作

庭前梔子樹四面有桮杓未結黃金子
先開白玉花

題曲水閣 在越州府治

一派西園曲水聲水邊終日會冠纓
幾多詩筆無停綴不是當年有罰觥

遊松江

江人見我謂誰何行李無羈野意多
六幅青帆趁潮去一樽白酒扣舷歌
沙邊歷歷辨雲樹島外濺濺弄月波
興盡歸來還更喜舞鷗相送入烟蘿

咏金竹

色如蒸栗枚名

百鎰先寒一徑深
潛疑造化鑄成金
貪夫或有憑欄者
不見修篁但見金

贈陳君子虞卿

籠秩拜春坊歸休識慮長
掃門卑魏勃設醴謝元王
一水萼鑪滑羣山橘柚香
喜君添老社煙駕尚徜徉

閔山詩 并序

府山一名卧龍山為一境形勝予視事之明日見其
竹樹零悴僅有半在問吏曰為昔人剪伐使然自謂
非予守土此山殆將童矣于是申約東止樵採作閔

山詩

東南豆羣山形氣或斷續茲山穹嶄絕孤峙越之腹呼
吏對衆石申禁護林麓

贈府經堂僧長吉

老被詩名繫此身思山深處避人羣寶臺千尺隔江見

清磬一聲歸路開。巖上閒扉燈照月。菴前掃地雪和雲。
終焉此是清涼處。淨住無慙相國文。

李堪 字仲任 留陵人

仙樓道院

在古田縣五華山

尋源探雲霞。中有金仙家。綺疏晃飛輦。雕欄燦朱華。
玲瓏禽棲不去。靈液流無涯。晴旭起風簷。空香送天花。
春雷會杜鼓。寒烟聚海茶。竒峰媚如削。芳樹一何嘉。
且將

閣齋絕與紅塵賒。終然謝朝紱。此地營丹砂。

李宗諤

字武昌 昉子第進士入翰林為學士 歷右諫議大夫

館中新蟬

雨過新聲出苑牆
煙輕餘韻度田塘
短亭疎柳臨官道
平野西風更夕陽
八斗陳思饒賦咏
二毛潘岳易悲涼
感時偏動騷人思
不問天涯與帝鄉

代意

霧鬢曉影忽參差
雲雨陽臺役夢思
自是膠絲無續日
不同經月有圓時
洞房斗帳承新愛
河漢星橋隔後期
綺榭凝塵斷消息
抒情空擬四愁詩

清風十韻

閒館方廼暑商飈乍應金天高初起籟松澹更宜琴汾
棹傳歌遠班詩托興深東陽仁自布西顥氣還侵太液
翻情旭雲和亂翠陰舟輕飛燕袂臺迥楚王襟阮嘯經
時盡齊蟬度日吟愁生孤戍角響續暮城砧穴靜銷雲
縷庭虛轉蕙心賢哉吉甫頌千載有遺音

劉東

清風十韻

何處來蘋末蕭騷盡四鄰金莖吹曉露玉宇動輕塵易
水離歌闕齊紈怨思新泛蘭迷舊澤落帽會佳辰籬菊

飄香遠庭桐墜葉頻帆開五湖客槎去九霄人曲沼鋪
紋罩平蕪偃綠茵鴻飛資羽翮鷹擊助精神仙馭歸堪
待琴松韻更真披襟同楚賦千古自相親

郭 印

下巖寺

雲安欣及境小剎為徘徊殿閣隨岩轉軒窓向水開僧
雖持鉢去客自躡舟來欲往無留計幽懷亦暢哉

石象之

白蓮寺

結社當年號白蓮。師心應欲繼前賢。有時中夜初回定。
清磬一聲秋月圓。

王

益

字荆公之父祥符間任蜀之新繁令

新繁縣顯曜院和韻

梵宇蕭條白日長。苦空談麈接藤床。雲章誥愛休詩麗。
蓮柄慵思遠社香。石髮雨梳鷄苑寂。風梭春織鷺山涼。
劫灰心火消平盡。又聽鐘聲下講堂。

留題重光寺羅漢院贈憲上人

曉刺吟髭雪半零。海窓曾呪鉢龍醒。早知西竺能持法。

應笑南僧不會經雲氣畫閒侵塵柄
薜痕春老上銅瓶
近來禪觀都無語
手指餘花滿寺庭

留題清涼院

背倚青峯面枕溪
濡毫新向壁間題
善根不撓金蓮合
淨界無塵月水齊
會啓苾芻真樂境
花開簷蔔遠香畦
因思祖塔嘗遊處
更在龍蟠虎踞西

靈谷

靈谷神仙宅
言歸肆目新
山光遠如畫
秋色老于人世
俗恭爭劫人心
海變塵功成
思范蠡湖上一閒身

楊

朴

字契元鄭州東里人太宗真宗皆常以布衣召辭官而歸有東里集行世

秋日閑居

忽聞高柳噪新蟬
厭暑情懷頓豁然
庭檻夜涼風撼竹
池塘香散水搖蓮
鱸魚鱠憶奔江浦
焦尾琴思換蜀絃
莫遣金樽空對月
獨斟高唱混流年

蓑衣

軟綠柔藍著勝衣
倚船吟釣正相宜
蒹葭影裏和相卧
菡萏香中帶雨披
狂脫酒家春醉後
亂堆漁舍晚晴時
直饒紫綬金章貴
未肯輕輕博換伊

陳

越

字損之尉氏人咸平中舉賢良方正歷左正言直史館

休沐端居有懷希聖

玉梵銀床蔭碧桐北窓珍簟水紋融
夜裁練布如王導扇執蒲葵學謝公
瓊屑半和仙掌露蘭苕輕泛楚臺風
若非冰雪神仙骨相樂誰同一笑中

陳

亞

字亞之額陽人咸平五年進士仕至司封郎中

懷舊隱

多愧當年未第間卜居人外得清閒
排聯花品曾非僭愛惜苔錢不是慳
秋閣詩情天淡淡夕溪漁思月灣灣

而今慚厚明朝祿敢念藏愚莫買山

登湖州銷暑樓

藥名詩

重樓肆登賞豈羨石為廊風月前湖夜軒窓半夏涼
曾青識漁浦芝紫認仙鄉却恐當歸闕靈為別傷

惜竹

出檻亦不剪從教長瘦叢年年到朱_夏葉葉是清風

宋詩拾遺卷三目錄

梅詢一首

郭昭務一首

李至一首

葛琳一首

周延雋二首

朱一首

范師孔一首

郭贄二首

薛田一首

郭昭著二首

薛田玉一首

趙袞一首

胡一規一首

魯宗道一首

石仲元一首

趙璩一首

宋道傳一首

陳執中二首

蘇舜元一首

馬亮一首

劉二首

王嗣宗一首

張及一首

仲訥二首

張環一首

王初四首

滕宗諒一首

詹中正二首

江為一首

龔宗元四首

包拯一首

宋詩拾遺卷三

錢塘陳世隆彥高選輯

梅詢

陰陵

龍虎相驅逐
干戈事戰爭
千重漢圍合
一夜楚歌聲
淒涼七十戰
散漫八十兵
失道欺田父
窮途遇灌嬰
天亡終不悟
覽古亦傷情

郭昭務字汝成

人官司農

送汝端兄南還
兄自詫有仙授
異丹故篇中及

之

一榻清風喜共攀。又攜姜被惜間闕。虛誇海外千年藥。
不借平原十日閒。鴻雁幾時纔北回。萼鱸有約竟南還。
野情縱合江南老。春草相期一解顏。

李

至

字言幾真。定人舉進士。真宗時。參大政。辛。贈侍中。

桃花犬歌呈修史錢侍郎

宮中有犬桃花名。絳綰圍頸懸金鈴。先皇為愛馴且異。
指顧之間知上意。珠簾未卷扇未開。桃花操尾長。至
夜靜不離香砌眠。朝飢祇傍御牀饑。彩雲路熟不勞牽。

瑤草風微有時吠無何軒后鑄鼎成忽遺弓劍棄寰瀛
迢迢松關伊川上遠近龍輶十數程兩皆漣漣似垂淚
骨見毛寒頓憔悴萬人見者倍傷心微物感恩猶若是
韓盧侑獵何足嘉西旅充庭豈為瑞開君奉詔修實錄
一字為褒應不曲白魚赤雁且勿書願君書此懲浮俗

葛琳

和浣花亭詩

井絡西南區成都號佳麗錦城十里外物景居然異傍
榮浣花溪中開布金地杜宅歸遺址任初載經祀自昔

歲一遊有亭久摧廢將期泛舟會先此留旌旆弗基矧
肯構後人莫予嗣冠蓋或戾止風雨亡所庇我公至之
初行樂徇人意扼車集賓組幕天陳燕器苟弗謀高明
何為草媮敝鳩工度材用奢儉求中制舉從縣官給下
靡秋毫費巍然大厦成甚于折枝易繁條息偃暇時律
清和際落成及林辰夙駕祈重詣群嬉逐使轂襍處同
蠶市棟宇美可觀席筵陳有次芳樽既罷撤綵舫復登
鯨夾岸布緹幣中流喧鼓吹泝汭烟靄間禽魚共翔戲
都人與士女疊定連帷被弄珠疑漢曲浮觴均洛禊掩

曉日將暮熙熙衆皆醉恍入武陵源却返塵寰世自是
畢邀賞始復專民事農耕士就學商販工居肆蜀邦生
齒繁衣食良藉匱三時急耕播寸壤無遺棄茲馬俾暇
逸所以慰勤瘁上賴天子心慎重坤維寄既懌邇臣德
來東諸侯瑞且命太史賢出攬澄清轡第務廣教育孜
孜布仁惠匪圖亟聚斂規規奉邦計和氣斯涵濡群坐
皆茂遂乃躋富壽域共樂升平治不才脩屬察罔補公
家利廕宇幸焉依雅聲慚善繼願比召南篇末歌棠蔽

周延雋

府經堂贈僧長吉

幽致極東南清陰潤客衫林深纔辨徑雲滿欲藏嵒琴
想山猿伴花憎谷鳥啣孤標如可挹墜藁悵開緘

顯孝南山寺

津頭催渡隔城陰抵苑幽深結客尋綠稻一川春後滿
白雲千嶂晚來深疎鐘流響猶含谷餘燼清芬尚襲襟
多愧空疎無夢筆敢期雜擬惠休吟

朱

字小儀

題楔帖詩

圖契朴珣推聖智萬古奔沉餘未技蘭亭醉墨更無加
始信功名皆儻爾庾翼兒郎豈不黠自是家鷄慙野雉
退之疆括六藝疎見處纔能到姿媚相公有官那得取
不與官家深自秘却因同好露心胸謾使蕭 誇末計
摸金不必曾阿瞞溫韞家有昭陵器披沙只恐取黃金
剔軸誰能收故紙天章寶塔高巖峨永表文皇好文藝
至今油膩傳未休善本何辭萬金弃

范師孔

字學可崇安
人有畫餅編

武夷山

幾與溪山絕世緣
重來猿鳥只依然
懸崖野瀑飄成雪
近午嵐飛暗盡天
水尚未疏湏識禹山如深入定逢仙
洞中石鼎烹雲處
此夜還來借榻眠

郭

贇

字仲儀乾興元年進士官禮部尚書

奉次文蔚兄韻

京國相逢意盡傾
不須池草夢中生
細將兩地行藏語
消盡幾番長短更
離外黃花香共嗅
案頭易傳手中評
慚予才竭難為弟
况復輸兄獨考名

寄劉延吳

弱齡志登涉壯即遠行遊名山忍偏厯書叙多遲留我
思在錦水木落巴山秋願隨蛾眉月影入平羌流孤飛
何處鶴清唳寒雲愁賞心隔懽愛悵望烟巒稠

薛

田

字益州路轉運使

人曾官

成都書事百韻詩并序

金躔奧壤玉鼎名區風物尚饒曠古稱最僕守茲職
任五年再至初則木牛流馬馳入使以均財次則皂
蓋朱幡奉一麾而作鎮厯覽勝異慷慨興懷古人曰

非發感不可以言詩非聲詩不可以導志故言成志
激流為美談偶因公退輒作成都書事七言一百韻
止陳乎益都事蹟罔暇以外景加諸底幾謬發於斐
然詎敢芳揚于作者詩曰

茫茫丕變造西阡物象熙熙被一川易覺錦城銷白日
雞歌蜀道上青天雲敷收野耕桑雨柳拂旗亭市井烟
院鎖玉溪留好景坊題金馬促繁經風流鋪席堆紅豆
潇洒門庭映碧鮮表狀屢言同顏穗勅書頻獎並生蓮
旋科杞樹吹香稻剝種踰菓沃晚田仁宅不隲由政立

義園無取任情遷民知禮遜蠶叢後俗尚奢華遂古先
遠郭波濤來浩浩歸朝岐路去綿綿乍回黑水將成道
潜到青羊遇恐仙靚女各攻翻樣繡袿商兼制呀綾牋
墟遣泛蟻張裙幄江上鳴鼉簇絲缸石筍峻嶒衙對峙
琴臺恢潤寺相連羣葩艷裡珍禽語百草香中瑞獸眠
喜趣必臻尤佇望勝遊爭倦更遷延早荷葉底蹲鴟伏
梭樹梢頭亂蝶穿齷發牢盆渾棄鹵鐵資園法免鉅鈐
豈饒物態竄殊越美麗姝姬酷類燕西海號雄彰傳紀
南康辭健積銘鐫良公手拔高容學妙隱丹方秘不傳

倚劍雲閣凌絕頂。夢刀孤疊削危巔。金華巷陌遺三品。
石鏡伽藍露一拳。信落荊州隨鼓柝。檢頒芝闕聽搖鞭。
若量內地寒暄異。且在遐陬水陸全。渝舞舊云傳樂府。
巴談誰曰繁言銓。九苞縮就佳人髻。三閤裝成子弟韉。
欲辨坤維尋地理。纔臨益部認郊廛。文翁室暗封苔蘚。
葛亮祠荒享豆籩。貨出單儲推賑濟。轉行交子頌輕便。
氣蒸薊蕪根鬚潤。日罩楸栢樹影圓。藥寺風光蟲螫外。
花潭遊樂鷓鴣前。聚源待擬求鳧氏。貯怨那能雪杜鵑。
萊祖森榮還翁蔚。夾沅滿迅迫潺湲。鮮明机杼知無算。

細碎錐刀不啻千合伴鷗鬟齊窈窕對陪霓袖競翩翩
五門冷映岷峨雪千里爰疏淮堦泉茂盛八弦宜得最
高映十道比俱備來滋不到生無分段相重來宿有緣
款君相如登兔苑驟遷太白步花磚歲蕤草木時為瑞
奇秀江山代產賢曉後細風紅灼灼夜中微雨碧芊芊
錦亭焰燭明歌障繡閣香氈煖熨檀寶塔徘徊停隼旗
觀街雜沓擁駟駟餘曠引架家家郁躑躅攀條處處妍
重爰魯儒提德柄咸降曹將董戎旃歡謠少負人勇
長講多經楚客禪似簇綺羅偏煥耀如流車馬倍喧闐

櫓機顯綽名堪錄題柱芬芳事莫捐李特鋒鏑徒恃險
張儀規畫自持顛鷹揚器業成悠久烏合奸雄敗轉旋
漫向鼎分澄霸馬却當龜化驗都廬強貪楚滅悲傾轍
廣洽亮詢喜慕蘊側弁猖狂拋玉笋歸鞍酩酊墮金鈿
氣埃屏息雲常覆稼穡繁滋澤靡愆睿聖宵衣垂乃睠
貴臣馳日每傳宣石牛邁路如歆饗江濱隆區助潔蠲
避暑亭臺珍簟設縱開池沼釣絲牽遮蠻帶礪長能固
捍蜀金湯遠益堅何武甲科曾繼踵嚴真十兆罕差肩
儲書競甲諸家集博識咸修百氏箋紙碓暮春臨岸潄

水樽春注截河壩華嚴像閣涼堪愛淨衆僧溪僻可憐
學射崔嵬橫卷靄放生寬度媚漪漣鮮庭嫩筍青簪簪
風檻新荷綠扇扇守戍陂貅千萬騎采封簪笏兩三員
清江瀉勢方流吳大面盤形正壓乾電掃谷風藏虎嘯
雷鳴官樹灑龍涎卽占逖應星舒彩樂咲端聆火撲樵
令範式驅民蹶蹶咨謀疇依道平平性寒甘蔗糝偷蟲
體膩芭蕉蠹莫沿誌讀脩興重掩卷史看唐幸懶終篇
雕盤蛇女呈酥作水巷癡童颺紙鳶初下鹿頭迷郭杜
暫來犀浦誤伊瀍變秦言語生皆會戀土情懷死不悛

結屐斧斤宗簡易入神丹艘屬精專柳堤夜月珠簾捲
花市春風繡幕寒十縣版圖分戶籍一城牌肆徧民編
受辛滋味饒薑蒜劇饌盤飧足鮪鱸月季冒霜秋肯挫
荔枝衝瘴夏宜然幾番蕉簞鳴空籟是箇園林噪懶蟬
蠶動乘時先養育菁莪屆後別陶甄地丁葉嫩和嵐採
天蓼菜新入粉煎平代啟聞聞斷笈監軍憑軾見劉焉
蕙蘭馥裊幽蹊畔菱芡交鋪曲島邊繒網晚晴誇蹴躡
薑絕寒食戲鞦韆氤氲紫霧濛都邑縹緲丹霞聚僊僊
蟠伏自然銷劍戟螻蛄幾度起戈鋌宦遊止嘆音塵闊

鄉飲何驚歲月過靈壽批拔奇共結金砂銀鑠貴相聯
埋輪昔批均輸命叱馭今分太守權徒為行春飛皂蓋
誰能許國報青錢政經旋老尤多僻民瘼深求尚未痊
雖愧袴襦非叔度日期毫末有馮治俛遵廉察思從訓
克謹標修敢好畋南市醉過攢幟隊西樓歡坐列瓊筵
煩囂謹畏傷淳厚惠黜周防近巧譴重祿省心宜致冠
薄材莊貌若臨淵扶危頗異巢居幕勸善還同矢在絃
叨蒞一麾康遠俗等開光景又三年

郭昭著

字汝晦景德二年
進士官兵部郎中

秋夜

秋空澹澹天無極東望平林淨如拭清光倒湧冰輪寒
山河吸作玻璃色主人對此欲凌風瑤光浮白珍珠紅
留連中夜不知倦酣歌驚動蛇龍宮

塞上曲

胡馬秋肥塞草黃彎弧直擬犯漁陽歸鞭却避弓閭水
知是嫖姚舊戰場

薛廷玉

楊州送別

匹馬揚州路香開幾樹花春光無揀擇淮地亦繁華日
沸長江水風昏古戰沙爭雄舊時事君去莫思家

趙

袞

字良弼
中正致仕歸隱嘉禾人以殿

平江亭邀馮山允南同作

文公昔記滕王閣氣象終天拂寥廓崔顥留詩黃鵠樓
今日聲華還磊落安漢城頭有佳處江山清氣歸簾幙
少陵無人謫仙死不過才豪終寂寞蒼苔滿地荊棘生
梁棟塵埃喧鳥雀風流賢守一登臨久倚闌干情不薄
夜來風月覺澄清天意人心如素約仙葩當見浮空來

幾百年來無此作嗟予好古今白頭到底支離材力弱
木桃或見致瓊瑤免對江山負慚怍

胡 槻

贈劉升之蟄龍岩

東望堯山西舜宮山人名姓不求通蟄岩側畔蘧廬子
卽是巢由住箇中

魯宗道 字子之亳州人

題崇明寺

心情稍覺難如舊勝迹依然日月新鶴怨猿驚嗟往事

再來山色似迎人

石仲元

壽陽山

平原翠削萬瓊瑰
頓響塵沙眼暫開
文網牽人寧底急
未妨特特看山來

趙璩

送張達道還茅山

賸借紅塵一日閒
有勞妙語徹幽關
豈知隱几如南郭
也愧移文向北山
有意清風憐我住
無心孤月伴君還

三茅若問命消息為報道遙大地間

宋道傳

伏波岩

銅柱威聲凜百蠻
宵貪稠載涸溪山
無人為起文淵閣
端的珠還薏苡還

陳執中 字

人官至中書門下平章事

題蒼梧部

莫訝南方景物疎
為君聊且話蒼梧
地傾二面城池壯
江迸三流氣色麗
山蓄火光罔政出
石藏牛影為仙呼

官廳傳自唐丞相民頌思從漢大夫龍母廟堂神鬼集
鰐魚池近介鱗超朝臺望斷歸岐路冰井頻窺爽髮膚
繪美不堪全用鯉果珍何忍命為奴雲歸上國名終遠
郡帶耿藩勢未孤銅鼓聲浮翻霹靂枕榔林靜露真珠
溪平花檻饒桃李疆壓鶯歌盡鷓鴣三足吉祥文上載
獨峰為盛事元無封疆自覺隨時廣飲食從分過嶺殊
行伍戢威遵下武兒童知學樂從儒風輕別墅來漁唱
人到閑坊戀酒壚服尚鮮華幾兩蜀市相交易類全吳
營希賢帥偏栽柳扇慕良規各製蒲春聳門闌多列戟

雪從絃管舞雙奴只因談笑評風俗
僭用詩謠和袴襦
萬里無媒休促蹙
數年從宦弄斯須
却憂別後牽吟想
欲寫幽期入畫圖

恭和聖製御溝柳

一度春來一度新
翠光長得照龍津
君王自愛天然態
色一作恨殺朝陽學舞人

蘇舜元

釣鰲石

在長樂縣
當陽寺

未窮雙佛剎
先到一漁家
山雨已殘葉
溪風猶落花
汲

泉沙脉動敲火石痕斜應是任公子竹間曾煮茶

馬

亮

字叔明合肥人

滴翠軒

高閣登臨暑氣空綠槐蟬噪咽清風我今到此須懷感
多少行人道路中

劉

字王孟

題呂先生畫像

短褐長條大布巾雲霞咽嗽九天春可憐世上屠沽子
喚作尋常賣墨人

戲作墨竹

霜雪不侵君子操丹青難貌野人心須向翰林邀墨客
灊湘烟雨伴行吟

酷愛此君心嘗將墨點真毫端雖在手難寫淡精神

王嗣宗 字希阮淮陽人

思歸

欲卦衣冠神武門先尋水竹渭南村却將舊取樓蘭劍
買取黃牛教子孫

舊聞宗嗣家於太祖朝與趙昌言爭狀元于殿前

上命二人手搏約勝者與之昌言髮禿嗣宗毆其
幘頭墜地趨前曰臣勝矣上笑以嗣宗為狀元

張

及字

蜀人咸華中舉進士

贈杜鼎昇

家人樊川家蜀多世家冠劍豈寒儒筆耕尚可儲三載
酒戰猶能敵百夫僻愛舜琴湘水弄每懸孫畫醉仙圖
孟光笑語長相逐喚作梁鴻得也無

仲

訥字樸翁定陶人景祐元年進士歷
尚書屯田員外郎

送唐御史

與李郎中
同時之作

力犯雷霆眾共危
遠投魑魅獨為宜
忠州學業終無負
高廟神靈固有知
自倚聖朝容直道
未甘憔悴死荒陲
滿朝卿相多公議
莫把文章作楚詞

負暄閑眠

茅簷晴日暖于春
一枕鈞天樂事新
滿眼繁華皆得意
午眠安穩却無人

張

環

字唐公洎之孫舉進士
召試學士院
賜第累擢知制誥進翰林侍讀學士

寄題徑山懷郎簡侍郎

天地一洲渚
北平南歆危
幽并深以厚
江浙清且奇
武

林頗幽秀川匯仍山卑應接殫天巧類非人力為徑山
最佳處有岩稱玉芝居防俗士駕地乃賢人宜郎公留
名德平時為羽儀引年歸故里不復衣朝衣留侯黃石
心白傅香山期結字名勝外日與塵事違泉石景物狀
盡在諸賢詩伊余來東藩濫持使者麾平生愛山水弗
憚命駕之當候秋風高遠造巖下靡澣濯纓上塵散步
松間綦未能繼高躅聊用慰所思

王初

延平天慶觀

劍化江邊彩構新層臺不染玉梯塵千章隱篆標龍簡
一曲空歌降鳳鈞嵐氣濕衣雲葉晚天香飄戶月枝春
盟金早晚聞仙語學種三芝伴羽人

青帝

青帝邀春隔歲還月娥媚獨夜漫漫韓憑舞羽身猶在
素女商絃調未殘終古蘭蕙棲偶鶴從來玉谷有離鸞
幾時幽恨飄然斷共待天池一水乾

書秋

千里南雲度塞鴻秋雲無跡淡平空人間玉嶺清霄月

天上銀河白晝風。潘賦登山魂易斷。楚歌遺珮怨何窮。
往來未得如張翰。欲繪霜鯨碧海東。

自和書秋

隴首斜飛避弋鴻。潁雲蕭索見層空。漢宮夜結雙莖露。
閭闔涼生六幕風。湘女怨絃愁不禁。鄂君香被夢難窮。
江邊雨槩連歌度。驚散遊魚蓮葉東。

滕宗諒

字子京。河陽人。大中祥符八年進士。從秦州軍事推官。召試學士院。政大理丞。終知岳州。

遊茅山

句曲山中古洞天。金堂玉室地相連。方當蘧子知非日。

已過茅君得道年

詹中正

字衡州人
大中祥符八年
蔡齊榜甲科
時詹白雲

退居

宦情文思競闌珊
利戶名樞莫我關
無可柰何新白髮
不知歸去舊青山
二語東坡常用為詞世須知百歲都多不知為詹白雲詩也
為夢未信千金買
得閒珍重樽中聖
賢酒非因風月亦
閒顏

香山

浪兀孤身一葉輕
香山登步覺神清
幾多怪石全勝畫

大半奇花不識名
猿猱盡當吟裏見
烟霞祇向眼前生
官身未約重來此
酒滿螺杯月正明

江為字建陽人

江行

越信隔年稀
孤舟幾夢歸
月寒花露重
江晚水烟微
岸直帆相望
沙空鳥並飛
何時洞庭上
春雨滿蓑衣

龔宗元
字會之
崑山人
登天聖五年
進士第
歷都官員外郎

搗砧詞

星族耿耿寒烟淨
白龍銜月照霜樓
誰家砧弄細腰杵

一聲搗破江城秋。雙桐老翠墮金井。高低冷逐西風緊。
靜如秋籟暗穿雲。天半驚鴻斷斜影。哀音散落愁人耳。
何處離情先喚起。長信宮中葉滿階。洞庭湖上波平水。
萬里征夫眠未成。搖風搗月何丁丁。楚關秦嶺有歸客。
一枕夜長無限情。

送陳友之四明

短亭租帳接平川。柳拂迴波繫畫船。漸向落暉分繡袖。
忍聽離曲怨鷗絃。雲連稽嶺應懷古。路近花源好訪仙。
那更憑高望天際。江堤烟重草緜緜。

夜宴

光魄侵堦夜三刻蜀錦堆香花院窄風動簾旌玳瑁寒
露垂蟲網珍珠白美人正席羅絃管綺幃雲屏爐燼煖
只恐金壺漏水空不泊鸞觴琥珀滿勸君莫負秉燭遊
曾見古人傷晝短

贈處士林逋

高蹈遺塵蛻含華傲素園璜溪頻下釣蕙帳不驚猿養
浩時清嘯忘機只寓言幾回生蝶翅明月在西軒

包

拯

字希仁合肥人登天聖五年進士官至三
司使樞密副使卒贈禮部尚書諡孝肅

書瑞州郡齋壁

清心為治本直道是身謀
秀幹終成棟精鋼不作鉤
倉充鼠雀喜草盡兔狐愁
史冊有遺訓毋貽來者羞